

Zomerpaleis

Zomerpaleis
heer kan ik altied nar toe
elke daag als ik dat wil
heer in mien hok
heer bin ik altied op reis
heer hengt gen klok
heer is `t stil

mien paradijs
heer neave de deur
onder `t raam, `t schrootjesplafond
de winter hiel kalt, de zomer hiel werm
dan ruukte de plenk vol in de zon

zomerpaleis
allien al dat `t bestiet
ik hoof d`r neet hin um d`r te zien
soms is `t genog als ik d`r effe an denk
gewoen dat ik dit wet
en dat ik d`r dan bin

deze kamer is gebouwd
op de fundering kwaam `t hout
elk joar wat verder ingericht
Perzisch tapijt heer op de vloer
geschilderd landschap an de moor
witte wolke in `t vergezicht

en mar denke, en mar sloape
opnij beginne heer in dit paradijs
blieve droeme, blieve hoape
vur altied blieve
vur altied in mien zomerpaleis

heer koom ik altied terug
elke daag als ik dat wil
die foto doar van Dikke Piet
alde tekst oaver verdriet
bookekast neave `t zelfportret

versterker met `t blinkend dook
de leage koffers in de hook

grieze bank gevouwe tot `n bed

en mar denke, en mar sloape
opnij beginne, heer in dit paradijs
blieve droeme, blieve hoape
vur altied blieve
vur altied in mien zomerpaleis

[Tekst en muziek: Jack Poels]

[cd 'Geal', HKM, 2012]